

# **Davviriikkalaš sámi giellabálkkašupmi - Gollegiella njuolggadusat**

## **§ 1 Ásaheapmi**

Davviriikkalaš sámi giellabálkkašupmi lea ásahan Norgga, Suoma ja Ruota sámi áššiin vástideaddji ministarat ja dáid riikkaid sámedikkiid presideanttat. Giellabálkkašumi namma lea Davviriikkalaš sámi giellabálkkašupmi – Gollegiella.

Bálkkašupmi juhkkovuvvo juohke nuppi jagi, vuohččan 2004 rájes.

## **§ 2 Ulbmil**

Giellabálkkašumi ulbmilin lea váikkuhit sámegiela ovddideapmái, gárggiidahttimii ja seailluheapmái Norggas, Ruotas, Suomas ja Ruoššas.

## **§ 3 Bálkkašumi oazžu**

Giellabálkkašupmi juhkkovuvvo ovttaskas olbmuide dahje servošiidda, mat leat bidjan earenoamáš návccaid ovddidit, gárggiidahttit dahje seailluhit sámegiela. Giellabálkkašupmi sáhtta miedihuvvot viidát iešgudelágán doaibmasurggiide.

Bálkkašupmi ja bálkkašumi supmi sáhtta eanemusat guovtti vuoitái juhkkovuvvot.

## **§ 4 Bálkkašumi sturrodat**

Giellabálkkašumi sturrodat lea oktiibuot 15 000 euro. Bálkkašumi supmi dárkkistuvvo juohke guđat jagi Davviriikkalaš sámeáššiid virgeolmmáorgána álgaga vuodul.

Bálkkašumi vuoti vástida ieš vejolaš vearu máksimis.

## **§ 5 Árvvoštallanlávdegoddi**

Giellabálkkašumi várás nammaduvvo árvvoštallanlávdegoddi, mii vállje bálkkašumi vuoti. Árvvoštallanlávdegottis leat oktiibuot vihtta lahtu. Sámi parlamentáralaš ráddi nammada njeallje lahtu juohke njealját jagi ja bálkkašumi miediheaddji riika ovtta lahtu juohke nuppi jagi. Árvvoštallanlávdegoddi nammada ságajodiheaddji.

Árvvoštallanlávdegottis berre leat vuđolaš áššedovdamuš sámegielas ja sámi giellabarggus ja maiddái sámi kultuvrras ja servodateallimis. Lávdegotti lahtut eai sáhte leat evttohassan bálkkašupmai.

Bálkkašanseremoniija lágidanriika bovde árvvoštallanlávdegotti vuosttaš čoahkkimii ja fuolaha hálldahuslaš bargguin.

Lávdegotti lahtut galget bargguineaset leat sorjjasmeahtumat ja bealátkeahtta.

## **§ 6 Almmuheapmi**

Árvvoštallanlávdegoddi almmuha Davviriikkalaš sámi giellabálkkašumis – Gollegielas ja dasa gullelaš almmolaš evttohanrievttis vuogas lági mielde.

## **§ 7 Bálkkašumi juohkin**

Giellabálkkašupmi juhkkovuvvo sámeministariid ja sámediggepresideanttaid oktasaš čoahkkimis árvvoštallanlávdegotti čálalaš ákkastallama vuodul.

## **§ 8 Ruhta**

Norgga, Ruota ja Suoma ráđdehusat juolludit ruđa bálkkašumi ruhtamearrái ja dasa gullelaš hálddašeapmái. Ruhtadeapmi dahkko vurrolagaid na; Norga, Suopma, Ruotta.

## **§ 9 Njuolggadusaid rievdadeapmi**

Dáid njuolggadusaid ja bálkkašumi supmi sáhttet Norgga, Ruota ja Suoma sámeministarat ja dáid riikkaid sámediggepresideanttat rievdadit.

---

Dát njuolggadusaid, maid sámeministarat ja sámediggepresideanttat leat nannen čálalaš áššelonuheami vuogi mielde golggotmánu 2015:is, buhttejit skábmamánu 2011 nannejuvvon njuolggadusaid.

# **BAGADUSAT, DAVVIRIIKKALAŠ SÁMI GIELLABÁLKKAŠUPMI – GOLLEGIELLA**

## **§ 1 Árvvoštallanlávdegoddi**

Árvvoštallanlávdegoddi galgá bargat iešráđálaččat.

Árvvoštallanlávdegoddi fuolaha geavatláš doaimmaid go guoská evttohasaid nammadeapmái, árvvoštallamii ja bálkkašumi vuoti válgii.

Mearrádušat galget čállojuvvot beavdegirjái.

Árvvoštallanlávdegoddi lea mearridanváldi go unnimusat golbma lahtu oassálastet čoahkkimis. Mearrádušat dahkkojuvvot eanžil eanetloguin. Jus leat seamma ollu jienat, de mearráduš dahkkojuvvo vuorbádeami vuodul.

## **§ 2 Evttohanriekti ja evttohasaid nomineren/nammadeapmi**

Evttohanriekti gullá álbmotlahtuide, organisašuvnnaide, ášahusaide ja eiseválddiide Norggas, Ruotas, Suomas ja Ruoššas. Maiddai árvvoštallanlávdegoddi lea evttohanriekti.

Árvvoštallanlávdegoddi galgá viggat dasa ahte eanas giellajoavkkut leat fárus evttohasaid searvvis.

## **§ 3 Bálkkašumi vuoti**

Doahpagii “ovttaskas olmmoš” gullojit maiddái joavkkut masa ovttaskas olbmot gullojit.

Doahpagii “organisašuvnnaš” gullojit maiddái searvvit ja ášahusat.

## **§ 4 Áigemearri**

Árvvoštallanlávdegoddi giedahallá evttohusaid áigemeriin ahte mañimustá čakčamánu 30 beavvi dieđihit mearrádusa oktan čálalaš ákkastallamiin Davviriikkalaš sámeáššiid virgeolmmošorgánii.

## **§ 5 Diploma/plakeahtta**

Davviriikkalaš sámeáššiid virgeolmmošorgána ovddasvástida diploma/plakeahta hábmema.

## **§ 6 Hálddašeapmi**

Hálddašemiin oaivvilduvvo árvvoštallanlávdegoddi bargu mii siskkilda bálkkašumi almmuheapmi, evttohasaid nammadeapmi ja čálalaš ákkastallama ráhkadeapmi bálkkašumi vuoti válgga várás. Hálddašeapmái gullojit maiddái mátkegolut juohkindilálašvuoda oktavuodas vuoti ja árvvoštallanlávdegoddi ságajođiheaddji várás.

Diehtujuohkin bálkkašumi birra galgá vuosttažettiin almmuhuvvot ovdamearkka dihte ráđdehusaid ja samedikkiid internehttasiidduin ja preassadieđáhussan.

### **§ 7 Ruhtadoalu dikšun**

Hálddahaslaš goluid čilgehusat, ruhtadoalu dikšun ja revišuvdna galget čuovvut buriid ruhtadoallovieruid. Čilgehus addojuvvo Davviriikkalaš sámeáššiid virgeolmmošorgánii.

### **§ 8 Njuolggadusa rievdadeapmi**

Davviriikkalaš sámeáššiid virgeolmmošorgána sáhttá rievdadit dán bagadusa.

---

Dát bagadus, mii lea nannejuvvon čálalaš meannudanvugiin 29.2.2008, buhte 1 beaivvi suoidnemánus 2004 nannejuvvon bagadusa.